

## Nesesidat

**Nesesidat** ta nifiká algu ku abo mester di dje, sea dor di sirkunstansianan di bida òf e **Lei**, sino e no ta un **Nesesidat**.

No **gaña** otro, komo ku boso a pone un banda e hende bieu ku tur su práktikanan **malbado**, i a bisti e hende **Spiritual Nobo** ku ta wòrdu **Renová** kontinuamente den un konosementu **Bèrdadero** segun e imágen di **Esun** ku a krea **E**, un **Renovámentu** den kual no tin distinsjon entre **Griego** i **Hudiu**, sirkumsidá i insirkumsidá, bárbaro, skita, esklabu i hende **Liber**, ma **Kristu** ta tur i den tur, asina ta ku tur **Kreyente** ta igual den **Kristu**, sin niun distinsjon. I asina, manera esnan ku a wòrdu skohí di **Dios**, ku ta **Santu**, pone **Apart** pa **Su Propósito** i **Stimá** pa **Dios Tata**, bisti **Kurason** di **Kompashon**, **Kariño**, **Humildat**, **Mansedumbre** i **Pasenshi**, lokual tin e **Poder** pa soportá kualke **inhustisia** o algu **desagradabel** ku **Bon Humor**. I boso soportá otro **Amabel** i **Pordoná** otro **Libremente**, si un di boso tin un keho kontra un otro; meskos ku **Señor** a **Pordoná** boso, asina boso tambe mester **Pordoná** (**Kolosensenan 3:9-13**).

Nos ta mira òf por tende di e **Nesesidat** di e hendenan ku ta biba sin e **Dios di Abraham**, e **Dios di Isaak** i e **Dios di Jakòb**.

Nos ta mira òf por tende di e **Nesesidat** di e hendenan ku ta buskando un solushon pa nan **Problema** of kièr **Kambia**.

Nos ta mira òf por tende di e **Nesesidat** di e hendenan ku ta kana rondó riba mundu sin tin **Sabiduria**.

Nos ta mira òf por tende di e **Nesesidat** di e hendenan ku no kièr biba den e **Obediensia** di e **Dios Israelita**.

### **Awor ta kon nos por yuda un hende den Nesesidat?**

E **promé** kos ta, ku nos mester bisa e hende den **Nesesidat** e **Bèrdat** den tur su sirkunstansia, pasobra ta e **Bèrdat** so ta libra (**Juan 8:32**).

Na di **dos** lugá nos mester bisti e hende **Spiritual Nobo** ku ta wòrdu **Renová** **Kontinuamente** den **Konosementu** di e **Bèrdat**.

Na di **tres** lugá nos mester por kana den e **Amor** di **Kristu Hesus** **Kontinuamente** sin niun distinsjon, esaki ta nifiká un **Kurason** di **Kompashon**, **Kariño**, **Humildat**, **Mansedumbre** i **Pasenshi**.

Na di **kuater** lugá nos mester tin e **Poder** pa soportá kualke **inhustisia** o algu **desagradabel** ku **Bon Humor**.

Por **último** nos mester **Pordoná** otro **Libremente**, meskos ku **Señor** a **Pordoná** nos, asina nos tambe mester **Pordoná**.

### **Pa yuda un hende den Nesesidat mester; Kere, Konfiá, Kambia i Kumpli.**

Nos por yuda e hende den **Nesesidat** dor di duna **Esun Ungi** ku por yuda ku tur kos, pasobra **Señor** ta doño di shelu i mundu kompleto. No tin niun problema ku ta grandi pa **Señor** (**Jeremias 32:27**). Tur kos ta posibel serka **Dios Tata** (**Lukas 18:27**). Solamente nos mester **Kere** den **Dje**, meskos ku Abraham a **Kere** den **Dje** (**Génesis 15:3**). Nos mester **Konfiá** den **Dje**, meskos ku e muhé a **Konfiá** den **Dje** (**Marko 5:34**). Nos mester por **Kambia** den **Dje**, meskos ku Pablo a **Kambia** den **Dje** (**Romanonan 12:2**). Nos mester **Kumpli** den **Dje**, meskos ku **Kristu Hesus** a **Kumpli** den **Dje** (**Mateo 5:17**).

**Pa yuda un hende den Nesesidat mester; Kere, Konfiá, Kambia i Kumpli.** **Kristu Hesus** a **Kumpli** (**Mateo 1:22, 2:15&17&23, 3:15, 4:14**), i ta pa esaki **Esun Ungi** a bisa: "No kere ku Mi a bin pa abolí e **Lei** òf e **Profetanan**; Mi no a bin pa abolí, sino pa **Kumpli**. Pasobra di **Bèrdat** Mi ta bisa boso, te ora ku shelu i tera pasa, ningun yota ni tilde di e **Lei** lo no pasa, te ora ku tur kos keda **Kumplí**" (**Mateo 5:17**).

**Pa yuda un hende den Nesesidat mester; Kere, Konfiá, Kambia i Kumpli.** Pa nos por **Kumpli** ku e **Nesesidat** di nos ruman, nos mester **Kere, Konfiá** i **Kambia** bira manera **Esun Ungi**. Sino nos no por **Kumpli** ku e **Nesesidat** di nos ruman: 'Pasobra mirando, nan **no ta Mira**, i tendiendo, nan **no ta Tende**, ni nan **no ta Komprené**.' I den nan kaso ta wòrdu **Kumplí** e profesia di Isaias, kual ta bisa: 'Boso lo sigui tende, ma **lo no Komprené**; i boso lo sigui mira, ma **lo no Ripará** (**Mateo 13:13-14**).

Ora un hende no kièr **Kambia** dor di su **orguyo, egoismo, arogansia, irresponsabilidad, yalursheit, envidia, impuresa, kondukta inapropiá i indesensia** (**Galationan 5:19-21**) nan lo no por yuda un hende den **Nesesidat**, pasobra nan ta praktiká **idolatria**. Nan no ta **Konfiá Esun Ungi, Kere Esun Ungi** òf kièr **Kambia** bira manera **Esun Ungi** (**Proverbionan 3:5-7**) òf **Kumpli** ku loke **Esun Ungi** ta desea di nan.

Un dicho di Turkía, ku ami a **Siña** hopi aña pasa, ta bisa: no ta un **Bèrgwensa** si abo no sa algu, pero ta un **Bèrgwensa** si abo no kièr **Siña** algu. Ora un hende **Siña** algu, e ta **Kambia** i haña **Sabiduria** di **Dios Tata**, pasobra **Sabiduria** ta di **Dje**, pasobra loke mundu ta yama **Sabiduria** sin **Dios**, ta lokura (**1 Korintionan 1:19-20**). Ora abo **Siña** i **Kambia** dor di **Esun Ungi Su Spiritu Santu**, e ora ey abo lo tin un **Oportunidat** i **Libertat**, pa ta den un **Posishon** pa **Pordoná** i yuda bo ruman den **Nesesidat**, pasobra tur **Nesesidat** ta wòrdu **Kumpli** dor di **Boluntat** di **Dios Tata**.

8 sèptèmber 2017

Sea Bendishoná den e Amor di Yeshua Mesias

Rev. Remsly L Riley